



„უფლებადამცველთა სამხრეთკავკასიური ქსელი“

„უფლებადამცველთა სამხრეთკავკასიური ქსელი“ აერთიანებს 30 უფლებადამცველ ორგანიზაციას საქართველოში, სომხეთსა და აზერბაიჯანში. ქსელის მიზანია ხელი შეუწყოს ადამიანის უფლებათა დამცველებისათვის უსაფრთხო და ხელსაყრელი სამუშაო გარემოს შექმნას და სამოქალაქო საზოგადოების როლის ამაღლებას რეგიონში.

უფლებადამცველთა სამხრეთკავკასიური ქსელი“ პოლიტპატიმრების გათავისუფლებას ითხოვს

30 ოქტომბერს – პოლიტიკურ პატიმართა სოლიდარობის საერთაშორისო დღეს „უფლებადამცველთა სამხრეთკავკასიური ქსელი“ სოლიდარობას უცხადებს პოლიტიკური მოტივით დაპატიმრებულ ან ზეწოლის ქვეშ მყოფ ადამიანებს ნებისმიერ ქვეყანაში საზღვრების მიუხედავად

ქსელი განსაკუთრებულ შემფოთებას გამოთქვამს სომხეთში, აზერბაიჯანსა და საქართველოში პოლიტპატიმრების არსებობასთან დაკავშირებით. ქსელი ამ ქვეყნების მთავრობებს პოლიტპატიმრების გათავისუფლებისა და პოლიტიკური რეპრესიების შეწყვეტისაკენ მოუწოდებს.

„მიუხედავად იმისა რომ სომხეთის, აზერბაიჯანისა და საქართველოს კონსტიტუციებით დაცული და აღიარებულია მთელი რიგი უფლებებისა, რომელიც ადამიანის საზოგადოებრივ და პოლიტიკურ ცხოვრებაში ჩართულობისა და დისკრიმინაციის გარეშე მონაწილეობის უნდა უზრუნველყოფდეს, სამხრეთ კავკასიის სამივე ქვეყანაში კვლავაც ხდება ადამიანების მიმართ სისხლის სამართლის დევნა, მუქარა და ზეწოლა პოლიტიკური საქმიანობისა და შეხედულებების გამო“, - განაცხადა საქართველოს „ადამიანის უფლებათა ცენტრის იურისტმა“ და ქსელის კოორდინატორმა საქართველოში ანა ნაცვლიშვილმა.

აზერბაიჯანში პოლიტპატიმრების საკითხის შესასწავლად ევროსაბჭომ დანიშნა სპეციალური მომხსენებელი; მიმდინარეობს მუშაობა სპეციალური მომხსენებლის დასანიშნად სომხეთში. საქართველოში ადამიანის უფლებებზე მომუშავე ადგილობრივმა ორგანიზაციებმა, მათ შორის „ადამიანის უფლებათა ცენტრმა“ გამოაქვეყნეს ანგარიშები პოლიტიკური მოტივით დაპატიმრებული ადამიანების საქმებსა და მათზე ზეწოლის ფაქტების შესახებ. ცოტა ხნის წინ ადამიანის უფლებათა საერთაშორისო ფედერაციამ (FIDH) აღიარა საქართველოში პოლიტპატიმრების არსებობის ფაქტი.

სომხეთი: ამჟამად, სომხეთში სულ ცოტა 17 პოლიტპატიმარი არსებობს. საუბარია იმ პირებზე, რომლებიც 2008 წლის 1 მარტს მშვიდობიანი მომიტინგეების დარბევის დროს დააპატიმრეს. დარბევის დროს მოკლეს 10 ადამიანი, ოპოზიციის ასობით მომხრე დააპატიმრეს, ნაწილი იძულებული გახდა გაქცეოდა რეპრესიებს. რამოდენიმე თვის წინ სომხეთის პრეზიდენტმა გამოსცა ამნისტია და 1 მარტს დაკავებული ადამიანების ნაწილი გაათავისუფლა; თუმცა 17 მათგანი კვლავ პატიმრობაში რჩება. მათი უმრავლესობის პატიმრობის ერთადერთ საფუძველს პოლიციელების ჩვენები

„ჩველას აქვს უფლება ინდივიდუალურად და სხვებთან ერთად ხელი შეუწყოს ადამიანის უფლებებისა და ძირითადი თავისუფლებების დაცვისა და რეალიზაციისთვის, როგორც ეროვნულ, ასევე საერთაშორისო დონეზე“.
ბაქოს ადამიანის უფლებათა დამცველების დეკლარაციის I მუხლი

პროექტი „უფლებადამცველთა სამხრეთკავკასიური ქსელის შექმნა“ ხორციელდება ევროკავშირის ფინანსური მხარდაჭერით. ქსელის კოორდინატორები არიან „ადამიანის უფლებათა ცენტრი“ (საქართველო), „სომხეთის ჰელსინკის ასოციაცია“ (სომხეთი) და „ინსტიტუტი რეპორტიორების თავისუფლებისა და უსაფრთხოებისთვის“ (აზერბაიჯანი).
ქსელის საერთაშორისო პარტნიორია „ადამიანის უფლებათა სახლის ფონდი“ (ოსლო, ნორვეგია).

წარმოადგენს; ამ ადამიანებს მრავალწლიანი უაკანონო პატიმრობა ემუქრებათ.

„ნაწილობრივი ამნისტია, რომლის დროსაც ბევრი პოლიტპატიმარი გათავისუფლდა არ იყო სამართლიანი. 30 ოქტომბერს, პოლიტპატიმრების საერთაშორისო დღესთან დაკავშირებით ჩვენ სოლიდარობას ვუცხადებთ 17 პოლიტპატიმრის ოჯახს და მოვითხოვთ მათი ქმრების და მამების, შვილებისა და ძმების დაუყოვნებლივ გათავისუფლებას. ჩვენ ვუერთდებით 1 მარტის დარბევის მსხვერპლთა ოჯახებს და მოვითხოვთ სამართალს ტრაგიკულად დაღუპული ადამიანებისათვის. ჩვენ მოვითხოვთ ბოლო მოეღოს პოლიტიკურ რეპრესიებს სომხეთში“, - განაცხადეს ქსელის წევრი ორგანიზაციის წარმომადგენლებმა.

აზერბაიჯანი: ადგილობრივმა და საერთაშორისო ადამიანის უფლებათა ორგანიზაციებმა აღიარეს, რომ აზერბაიჯანში ათობით პოლიტიკური პატიმარი არსებობს. პოლიტპატიმრების გრძელ სიაში შედიან ჟურნალისტები, პოლიტიკური პარტიების აქტივისტები, მათი ნათესავები და ა. შ. ქსელი განსაკუთრებით შეშფოთებულია პატიმრობაში მყოფი 5 ჟურნალისტის გამო; ესენი არიან: ფატულაევი, ზაჰიდოვი, ჰუსეინოვი, ალაჰვერდიევი და ალიბეილი; ასევე ორი ბლოგერი - ადნან ჰაჯიზადე და ემინ მილი. ყველა მათგანი ჟურნალისტური საქმიანობისათვის დააპატიმრეს. ადგილობრივმა და საერთაშორისო ორგანიზაციებმა ფატულაევი, ზაჰიდოვი და ჰუსეინოვი პოლიტიკურ პატიმრებად აღიარეს. ამნესტი ინტერნემენალმა ფატულაევი და ჰუსეინოვი სინდისის პატიმრებად სცნო.

27 ოქტომბერს სამოქალაქო საზოგადოების წარმომადგენლებმა და ყოფილმა პოლიტპატიმრებმა გადაწყვიტეს მიმართონ აზერბაიჯანის პრეზიდენტს და სთხოვონ პოლიტპატიმრების გათავისუფლება ეროვნული შერიგებისა და ქვეყნის დემოკრატიზაციის მიზნით.

„პოლიტპატიმრები არიან სამოქალაქო ომის მძევლები, რომელიც 1980-იანი წლების დასასრულის შემდეგ მუდმივად მიმდინარეობს ქვეყანაში. პოლიტპატიმრების გათავისუფლება აუცილებელია ხელისუფლებისა და ოპოზიციის დამაბული ურთიერთობის დასაძლევად, რაც საპარლამენტო და საპრეზიდენტო არჩევნების დროს ციხეების გადავსებას იწვევს“, - განაცხადა ელდარ ზეინალოვმა, აზერბაიჯანის „ადამიანის უფლებათა ცენტრის“ აღმასრულებელმა დირექტორმა.

საქართველო: ადამიანის უფლებადამცველმა ადგილობრივმა ორგანიზაციებმა შეისწავლეს პოლიტიკური ოპოზიციის ლიდერების, ოპოზიციასთან დაკავშირებული გავლენიანი პირების, ოპოზიციის აქტივისტების და მათი ნათესავების დაკავების ათობით საქმე. ბევრი მათგანის წინააღმდეგ წაყენებული ბრალდებები მოკლებულია სათანადო სამართლებრივ დასაბუთებას და ხშირად ეფუძნება ყალბ მტკიცებულებებს (ჩადებულ იარაღს, ნარკოტიკულ საშუალებებს და ა. შ.). დაკავებულები ხშირად აღნიშნავენ რომ არაოფიციალურ საუბრებში ხელისუფლების წარმომადგენლები თავად აღიარებენ ასეთი დაკავებების მიღმა პოლიტიკური მოტივების არსებობას და მათი მხრიდან პოლიტიკურ საქმიანობაზე უარის თქმის სანაცვლოდ ამ ადამიანებს

პროექტი „უფლებადამცველთა სამხრეთკავკასიური ქსელის შექმნა“ ხორციელდება ევროკავშირის ფინანსური მხარდაჭერით. ქსელის კოორდინატორები არიან „ადამიანის უფლებათა ცენტრი“ (საქართველო), „სომხეთის ჰელსინკის ასოციაცია“ (სომხეთი) და „ინსტიტუტი რეპორტიორების თავისუფლებისა და უსაფრთხოებისთვის“ (აზერბაიჯანი).
ქსელის საერთაშორისო პარტნიორია „ადამიანის უფლებათა სახლის ფონდი“ (ოსლო, ნორვეგია).

გათავისუფლებას სთავაზობენ. ნორა კვიციანი, მერაბ რატიშვილი, ომარ ქუცნაშვილი, ირაკლი ოქრუაშვილი (რომელსაც საფრანგეთის მთავრობამ პოლიტიკური თავსესაფარი მიანიჭა) პოლიტიკური ნიშნით დაპატიმრებულ ადამიანთა მხოლოდ რამოდენიმე მაგალითია.

პოლიტიკური რეპრესიების ახალი ტალღა მოჰყვა აპრილში ხელისუფლების წინააღმდეგ დაწყებული საპროტესტო გამოსვლებს. რამოდენიმე დაკავებული გირაოს სანაცვლოდ იქნა გათავისუფლებული ხელისუფლებასა და ოპოზიციის ლიდერებს შორის წარმოებული პოლიტიკური მოლაპარაკებების შედეგად, თუმცა მათი დიდი ნაწილი კვლავაც საპატიმროში რჩება.

უფლებადამცველთა სამხრეთკავკასიური ქსელის წევრებისათვის მიუღებელია პოლიტიკური პატიმრების კვლავ გამოჩენა ჩვენს ქვეყნებში საბჭოთა კავშირის ნგრევიდან 20 წლის შემდეგ.

ქსელის წევრები მოუწოდებენ აზერბაიჯანის, სომხეთის და საქართველოს მთავრობებს:

- გაათავისუფლონ პოლიტიკური პატიმრები
- შეწყვიტონ ადამიანების პოლიტიკური ნიშნით დევნა-შევიწროვება

ევროსაბჭოს, ევროკავშირის მისიებს და სხვა საერთაშორისო ორგანიზაციებს:

- მოავლინონ თავიანთი მისიები ან წარმომადგენლები საქართველოში, სომხეთსა და აზერბაიჯანში პოლიტიკური პატიმრების საკითხის შესასწავლად
- განსაკუთრებული ყურადღებით მოეკიდონ ადგილობრივი უფლებადამცველების განცხადებებს პოლიტიკურად მოტივირებული სასამართლო პროცესებთან დაკავშირებით და მოავლინონ თავიანთი დამკვირვებლები ასეთად დასახელებულ სასამართლო პროცესებზე.